


## 尊子漫畫



## 留下黑白香江經典 攝影大師何藩加州病逝



何藩年輕照及近照

以捕捉 1950 同 1960 年代香港街景為人熟悉、國際知名攝影大師何藩，周日（19日）因為肺炎惡化，喺家人陪伴下於美國加州一間醫院辭世，享年 84 歲。何藩家人嗰日透過公關公司發表聲明，對於至親畢生成就同對社會嘅貢獻，感到莫大光榮，而何藩嘅葬禮將會以私人形式舉行。

### 一生獲 300 獎 活躍大銀幕

上海出生嘅何藩，1949 年同家人移居香港後，用鏡頭拍低老香港街頭寫照，以強烈嘅光影對比，留下一張張經典。佢喺 1954 年所影嘅《陰影》（Approaching Shadow），去年更以超

### 最愛作品

◀何藩擅長運用強烈光影對比，佢 2014 年接受本報專訪，提到佢 1955 年喺堅尼地城海旁拍攝嘅《日暮途遠》（圖），形容「如果我這一世人有一張相可以流傳後世，一定係呢張。」（黑白圖片）

過 37 萬港元嘅拍賣會上成交，創下佢作品嘅成交價紀錄。

何藩曾經奪得近 300 個地區同國際獎項，作品獲各地博物館收藏，包括美國三藩市現代藝術博物館、法國國家圖書館同香港 M+ 博物館。何藩多才多藝，除攝影外亦活躍於大銀幕，佢喺 1960 年代進軍影壇，先以演員身分參演《不了情》、《西遊記》同《藍與黑》等電影，1970 年代起再以導演身分執導超過 20 部作品，其中《迷》曾經揚威康城同柏林影展。

何藩 1990 年代退休，移居美國，晚年出版 Hong Kong Yesterday 等攝影集，結集畢生經典作品，流傳後世。